



## Publicaziuns dalla vischnaunca, jamna 40

### Damonda da baghegiar

#### 2021-1074.000

##### Datum dalla publicaziun: 8 d'october 2021

La patruna: Monica Cajacob-Candinas Via Lucmagn 3A, 7180 Disentis/Mustér

Il representant: Robert Cajacob-Candinas Via Lucmagn 3A, 7180 Disentis/Mustér

Object: Engrondaziun mises Las Cavorgias, parcella 3291, 7186 Segnas

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e sutscretta dil recurrent ni da siu representant.

Disentis/Mustér, ils 8 d'october 2021

Uffeci da baghegiar Disentis/Mustér

---

### Lubientscha da baghegiar

L'istanza da baghegiar ha concediu suandonta lubientscha da baghegiar:

#### Nr. 2021-1032.000

Petra Brühwiler, Via Calundis 14, 7013 Domat/Ems; engrondaziun dalla surfatscha da habitar, edifices nr. 549C, parcella 3558, Prau Sura, 7182 Cavardiras. Disentis/Mustér, ils 8 d'october 2021

Uffeci da baghegiar Disentis/Mustér

---

### Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

#### Nr. 2021-2087.000

Corsin Lutz-Notz, Via Alpettas 20, 7180 Disentis/Mustér; niev tgamin per pegna scalegl, parcella 2510, Via Alpettas 20, 7180 Disentis/Mustér.

#### Nr. 2021-2089.000

Johanna Charlotte e Michael Klaus Herbert Witta, Entenbachstrasse 12A, D-81541 München; sanaziun dallas finiastras, dall'escha e dil plantschui, parcella 1239, Via Plauncas, 7180 Disentis/Mustér

Disentis/Mustér, ils 8-10-2021

Uffeci da baghegiar Disentis/Mustér

---



### Lavurs da construcziun Via Clis

Muort lavurs da construcziun vid ils conducts (aua, canalisaziun, energia, comunicaziun) resta la Via Clis serrada per scadin traffic. Quei pertucca il tschancun denter Funs-Dado e Caschuarz **naven diils 6 da settember entochen ils 30 d'october 2021**. En cass da damondas stat la survegionza da baghegiar a Vossa disposiziun, 081 943 17 22.

Bien engraziament per Vossa capientscha.

La survegionza da baghegiar:  
ipz inschigniers+planisaders sa

---

### Adatg!

### Surpassadi Raviul sut Segnas ed ulteriurs surpassadis cun in scamond giudizial dalla Viafier Matterhorn Gottard (MGB)

Stimadas convischinas, prezias convischins

Tiel surpassadi da viafier a Raviul, Segnas, settracta ei d'in passadi cun in scamond giudizial da carrar. Consequentamein astgan mo las persunas che possedan ina legitimaziun da carrar dalla viafier far diever dil surpassadi. Per tuttas ulteriuras persunas exista in scamond da carrar. En cass d'accidents ni incaps sorprendan la vischnaunca Disentis/Mustér sco era la Viafier Matterhorn Gottard negina responsabladad. Vegn il scamond buc observaus, ei la MGB legitimada da purtar plogn. Persunas che san far valer in dretg legitim da carrar sur in surpassadi cun in scamond giudizial ein supplicadas da contactar la MGB a Brig per far valer ina legitimaziun da carrar:

Matterhorn Gotthard Infrastruktur AG, Caum postal 80, 3900 Brig Persuna da contact: Jürgen Ruppen (tel. 0848 642 442 ni [railcenter@mgbahn.ch](mailto:railcenter@mgbahn.ch))

Bien engraziament per Voss'enconuschientscha e Vies risguard.

*Uffeci da baghegiar ed infrastruttura*

---

### Controlla da habitonts

#### Naschientscha

Malia Huonder, naschida ils 27 da settember 2021, feglia da Sarah e Remo Huonder

---



## Taxa da cumpensaziun da pumpiers 2021

L'obligaziun da far pumpiers entscheiva all'entschatta digl onn ch'ins cumplenescha il 21avel onn da naschienscha e finescha alla fin digl onn ch'ins ha cumplenu il 45avel onn da naschienscha. Tgi che presta buca survetsch activ ha da pagar ina taxa da cumpensaziun. Tenor art. 15 dalla lescha da pumpiers dalla vischnaunca da Mustér ein student/-as ed emprendist/-as entochen 25 onns deliberai dalla taxa da cumpensaziun. Sur 25 onns ei l'entira taxa debitada. Termin da tagli ei ils 30 da settember. Ei dat negins quens pro rata.

Nus fagein attents **student/-as ed emprendist/-as sur 21 onns** d'inoltrar a scret ina confirmaziun actuala dalla scola ni digl emprendissadi. Il mussament ei da tarmetter entochen sil pli tard mesjamna, **ils 13 d'october 2021**, all'administraziun communal, caum postal 57, 7180 Disentis/Mustér ni per e-mail (rgenelin@disentis.ch). Mo cun ina confirmaziun a scret sa la deliberaziun vegnir risguardada.

Gia ordavon grond engraziament per las breigias.

Administraziun communal

---

## Serrada vias d'ual muort lavurs da construcziun

Duront il temps da baghegiar ston ils tschancuns dils plazzals da construcziun vegnir serrai pil traffic motorisau. En cass da viadis urgents en favur dall'agricultura san ils pertuccai secunvegnir directamein cugl impressari el liug. Il stan actual davart las restricziuns vegn communicaus silla pagina d'internet [www.disentis.ch/strassen](http://www.disentis.ch/strassen). Muort ils plazzals pretensius sa ei dar midadas dallas restricziuns da traffic era a cuorta vesta.

### Plaun Menisch: Plaunca Su-Pardi

La via da Plaunca Su viers Plaun Menisch ei aviarta. Il tschancun da Fontanettas entochen Pardi ei serraus.

Impressari: Berther Bau und Industrie AG, Ibrahim Bajraktaraj, 079 433 13 10

### Via Run: Truaisch-Plaun Tir

Naven dalla Truaisch entochen la tegia da Plaun Tir ei la via serrada entochen fin october 2021. Igl access sin quei tschancun ei sulettamein pusseivels pil traffic plaun.

Nus supplichein da prender enconuschientscha da quest avis ed engraziein per la capientscha.

Uffeci forestal Disentis/Mustér

---

## Rimnada da pupi

### Venderdis, ils 8-10-2021

Preziadas convischinas, prezias convischins.

La rimnada da pupi digl'october ha liug sco usitau.

### Adatg! Ei vegn mo rimnau: gasettas, illustradas, catalogs, cudischs e prospects stampai.

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel. Nus rimnein buca cartun. Quel sa vegnir deponius a Raveras igl entir onn ora, e quei da gliendisdis tochen venderdis (12.00–17.00) e sondas (10.00–12.00) e buca duront la rimnada.

Bien engraziament per Vies agid e sustegn!

Nossa Scuola populara Mustér, Ch. Berger



---

## Colonna d'agid Musté

r

### Cuors da reiver per affons

Gia dapi biars onns organischescha la Colonna d'agid Mustér mintga stad cuors da reiver per affons. Per dar era igl atun la pusseivladad da trenar da reiver vegn organisau durant otg seras mintgamai la mesjamna in cuors da reiver per affons dallas annadas 2014–2009.

Liug: Halla da reiver el Center da sport e cultura, Mustér  
Entschatta: mesjamna, ils 27-10-2021, entochen miez december 2021, annadas 2014–2009, 17.30–19.00  
Menaders: Commembers dalla Colonna d'agid Mustér cun brevet Giuventetgna + sport  
Annunzias: Entochen gliendisdis, ils **25-10-2021**, alla Colonna d'agid Mustér, Otmar Venzin, 079 381 25 52. Segirada ei caussa da mintga participont/a.

Colonna d'agid Mustér

---

## Sera da troccas a Mustér

Nus lein puspei envidar ad ina sera da troccas per in e scadin.

L'emprema sera ha liug **mardis ils 12 d'october 2021 naven dallas 19.00 el hotel «La Furca»**. Era novizs che vulan emprender da dar troccas ein cordialmein beinvegni. Nus lein aunc far attents che mo persunas che possedan il certificat da Covid san prender part dallas seras da troccas.

Cordialmein envidan

ils organisateurs dalla sera da troccas

---

## Invitaziun Seniors-Ca

### Seniors sepresentan per senioras/seniors

Tema: Sur Martin Bearth legia ord siu cudisch «Regurdientschas dil miradur e pastur sin viadi» e Gabi Derungs, cantadur/autur fa la punt tier las treis parts cun impressiunontas canzuns.

**Adatg: Participaziun mo cun in certificat** (leutier buc emblidar la carta d'identidad). En casa Puntreis vala igl obligatori da mascrina.

Tuttas e tuts ein beinvegni, prende la caschun!

Team Seniors-Ca

---

## Meisa da miezdi organisada da Seniors-Ca e Puntreis

Entschatta: allas 12.15 en Puntreis. Gentar cun treis tratgas inclusiv aua dalla spina ed in caffè

Annunzia entochen allas 9.00 dil di alla Puntreis (tel. 081 929 56 56).

La meisa da miezdi ei aviarta per mintgin/a.

Post d'informaziun Seniors-Ca



---

**Fiera silla piazza dil «Catrina Resort»**

Las Pendicularas Mustér SA organiseschan ina fiera silla piazza dil «Catrina Resort».  
**Ils 28 da december 2021** dallas 14.00–19.00

Haveis Vus interess da vender Vos products? Lu s'annunziei **entochen ils 12 da november 2021** per e-mail  
tier [e.bundi@catrina.swiss](mailto:e.bundi@catrina.swiss)

Per damondas stat Erna Bundi bugen a disposiziun, 081 920 30 40.

Nus selegrein sin Vossa participaziun.

---